

**MUAB TSO TAWM SAI LI SAI TAU**

**Hnub:** Lub 8 Hli Ntuj tim 27, 2020

Cuag tau: Patricia Obluck

Cell: (414) 217-6135

Email: [patricia.obluck@commongroundwi.org](mailto:patricia.obluck@commongroundwi.org)

## City of Milwaukee Health Department Koom Tes Nrog Common Ground

MILWAUKEE – Common Ground, yog ib lub koom haum hauv zos uas muaj 38 lub koom haum, chaw ua hauj lwm thiab lag luam hauv Milwaukee thiab ib cheeb tsam ncig Milwaukee ua tswv cuab, tau tsim ib qhov kev pab cuam nrog Milwaukee Public Health Department los taug qab cov neeg kuaj tau muaj tus kab mob COVID-19 thiab raug xa mus kho nyob tom tsev. Thoob plaws lub Nroog Milwaukee, muaj ntau tshaj 13,000 tus neeg mob COVID-19 tam sim no. Muaj tshaj 60% ntawm cov neeg muaj mob COVID-19 yog cov neeg Latinx (Mev) thiab Dub, thiab 70% ntawm cov tau tas sim neej yog ob pawg neeg no. Qhov nod qhia tau hais tias yuav tau muaj kev hloov loj nyob hauv zej zog: muaj kev kho mob kom ncaj ncees rau txhua tus thiab mus siv tau kev pab kho tus mob COVID-19. Common Ground lub hom phiaj yog los muab kev pab ntxiv rau tej yam xws li taug qab thiab nrog saib xyuas cov neeg muaj mob uas tsis tas mus pw hauv tsev kho mob.

“Qhov kev pab cuam no muab tau kev txhawb tseem ceeb heev rau cov neeg muaj mob COVID-19 tab sis tsis muaj ib lub chaw kho mob. Lawv yuav tau kev pab tswv yim txog kev kho mob thiab kom paub hais tias muaj neeg pab lawv txhua hnub rau lub sij hawm lawv muaj mob.” - Mariana Rincon, tus Kws Kho Mob nyob ntawm lub chaw kho mob Sixteenth Street Community Health Clinic thiab ib tug ua hauj lwm pab dawb nrog Common Ground Community Health Volunteer Program.

Common Ground muaj tshaj 20 tus kws kho mob (healthcare professionals) khiav qhov kev pab cuam no thiab hu rau cov neeg mob uas lawv xaiv kom txhua hnub muaj neeg nrog saib xyuas lawv cov ntshav seb puas muaj cua txaus thiab seb lawv lub plawv dhia zoo li cas. Kev ntsuas ob tug nab npawb no yog muab los ntawm lub tshuab ntsuas pulse oximeter, uas muab qiv rau cov neeg mob tau siv nrog rau daim ntaub npog qhov ncauj qhov ntswg muab rau lawv khaws tseg tau siv. Tus Ua Hauj Lwm Pab Dawb Marilyn Hamilton, yog ib tug pathologist uas twb so hauj lwm lawm hais li no, “Qhov nod ua rau kuv muaj nuj nqis...kuv txaus siab ua huaj

lwm hu neeg pab rau Common Ground...Thaum 10 hnuv los xaus lawm yog ib qhov nyuab kawg rau kuv ncaim sawv daws”.

Muaj tshaj 18 tus kws kho mob ua hauj lwm pab dawb siv lawv lub sij hawm los teb xov tooj thiab muab kev pab cov neeg muaj mob yog hais tias lawv tus tsos mob loj zuj zus tuaj los yog tus nab npawb txaus ntsai heev lawm. Kev sib pab ntawm cov kws kho mob uas tseem niaj hnuv ua hauj lwm thiab cov twb so hauj lwm lawm ua rau txhua tus neeg mob tso siab hais tias lawv tus mob yuav khees zuj zus vim lawv paub hais tias muaj neeg yuav xyuas nraim lawv txhua hnuv.

“Sawv cev ntawm City of Milwaukee Health Department, peb zoo siab heev rau qhov kev koom tes nrog Common Ground, uas ua kom peb cov pej xeem muaj peev xwm mus cuag tau kev pab cuam thiab kom tsis txhob sib kis tau COVID-19”, tus Health Commissioner, Dr. Jeanette Kowalik cov lus.

Nrog rau Milwaukee Health Department, Common Ground kuj koom tes nrog lub koom haum Greater Milwaukee Foundation thiab the American Health Education Center (AHEC) Milwaukee chapter nrhiav nyiaj los pab rau qhov kev pab no. Qhov kev pab cuam no yog siv ib tug qauv los ntawm ib lub koom haum hu ua Spokane Alliance nyob rau lub xeev Washington uas yog ib lub koom haum ua hauj lwm nrog Common Ground.

Common Ground yog ib pab neeg nyob rau Wisconsin Sab Hnuv Tuaj Qab Teb uas tsis zwm rau leej twg, rau siab los xyuas teeb meem uas peb lub zej zog ntsib thiab nrhiav kev pab los daws. Koj yeej koom tau nrog rau cov hauj lwm no uas sau ntawv ncaj qha rau peb ntawm [info@commongroundwi.org](mailto:info@commongroundwi.org) los yog xav paub ntxiv no mus saib hauv [commongroundwi.org](http://commongroundwi.org).

###